

լեայ, որ կայ դեմ յանդիման լերինն մեծի՝ որում Յուլն անուանեալ կարդան, ի բազնին տեղուոչէ ի բացագոյն իբրեւ քարընգեց մի ի ներքոյ կուսէ, ի դոյզն ծործորակին ի սակաւ անտառակին ի հացուտ պուրակին՝ որում անուն տեղոյն իսկ Յացեացն դրախտ կոչեն: 23 Այս այն աղբերն է, յորում ամէնէր յայնժամ եւս վաղ մեծն Գրիգոր զմկրտութիւնսն զաւրացն բազմաց: 24 Յայնմ տեղոջ էր սորա կայեանք խցկան սրբոյն Դանիելի. էր դարափոր արարեալ բնակութիւն. եւ յայնմ տեղոջ զդիտաւորութիւն այցելութեանս¹ կատարէր:

25 Արդ միաժողով² եղեալ մեծամեծք նախարարացն, եւ ի մի վայր եկեալք, խորհուրդք խորհեցան. հաւանեցուցին զթագաւորն, ածել զձերունին զԴանիել յիւրեանց բանակն, զի ածցեն կացուցեն զնա իւրեանց գլուխ առաջնորդ, զի նստցի նա յաթոռն հայրապետական: 26 Եւ յղեցին առ նա զՈւմն³ իշխանս⁴ Սահառունեաց տոհմին, եւ զԱրտաւան զիշխանն Վանանդայ, եւ զՎարէն իշխանն Ամատունեաց տոհմին, եւ զՎարազ իշխանն Դիմաքսենից տոհմին: 27 Եւ եկին նախարարքն հասին գտին զնա յեկեղեաց գաւառին, ի գեւղն եկեղեցւոյն ի Թիլն. զի դեռ իմն զգործ մշակութեան Աստուծոյ գործեր: 28 Եւ առին զնա եւ ածին առ թագաւորն Տիրան, ի գաւառն Աղծնեաց ի Բառաեջ⁵ յաւան: 29 Եւ իբրեւ մտանէր առաջի թագաւորին Տիրանայ քորեպիսկոպոսն մեծն Դանիել, անդէն ի ձեռն առնոյր զվշտամբութիւն յանդիմանութեանն:

30 Սկսեալ խաւսել, յառաջ մատուցեալ, ասեր՝ եթէ ընդէ՞ր մոռացարուք դուք զԱստուած զարարիչն ձեր, եւ զգութ նշանացն եւ խրատուց, եւ զսքանչելեաց՝ զոր արար առ հարսն ձեր եւ առ ձեզ. եւ դուք դարձայք ի մոլորութիւն կռապաշտութեան նախնեացն ձերոց, եւ յատելութիւնս եւ յագահութիւնս եւ ի զրկութիւնս եւ յաղթատակերութիւնս, ի պոռնկութիւնս, ի նենգութիւնս եւ ի միմեանս զրկութիւնս եւ ի սպանութիւնս: 31 Կործանեցայք լքեայք կասեցէք կաղացայք յարդարութեան ճանապարհաց, եւ թողէք դուք զբարերարն ձեր զԱստուած՝ որ զձեզ յոչընչէ արար եւ հաստատեաց, եւ ի մոլորութիւնս ձեր անծանալթք եղերուք դուք ի նմանէ: 32 Մինչ դուք զձեր անձինսո՞ անգիւտս արարեալ էիք ի կորստեանն, նա եկն ի խնդրել զձեզ. զի թեպէտ եւ ինքն իսկ միածին որդին Աստուծոյ եկն էջ ուսուցանել զՅայր իւրոց արարածոց. զի թեպէտ եւ ոչ լուան նմա, եւ չարչարեցին եւս մինչեւ ի մահ, եւ համբեր, սակայն եւ ոչ նա զիւր զաւրութիւնն ոչ թագոյց յումեթէ, զի պատճառք կենաց լիցի ա-

1 *Օրինակ մի յաւելու*՝ վերակացութեանն

2 *Յայլ օր*. ի մի ժողովեալ

3 *Յօրին. միում*՝ ոմն

4 *Այլ օր*. զիշխանն

5 *Յօրին. միում* ի Գաւեճ